

**TEKS UCAPAN
DATO' PROF. DR. ZUL AZHAR ZAHID JAMAL
NAIB CANSOLOR
UNIVERSITI MALAYSIA PERLIS
SEMPENA PERASMIAN PENUTUP
FESTIVAL KEBUDAYAAN ANTARA KOLEJ KEDIAMAN(FESTKOL)
22 APRIL 2018
DI DEWAN KECEMERLANGAN, UniMAP PAUH PUTRA
JAM 8.00 MALAM**

Assalamualaikum Warahmatullahi Wabarakatuh

Salam Negaraku Malaysia

Salam Ilmu, Keikhlasan, Kecemerlangan UniMAP

SALUTASI

Yang Berbahagia Timbalan - timbalan Naib Canselor UniMAP

Yang Berusaha Pegawai -Pegawai Utama Universiti

Dekan-dekan dan Ketua-ketua Jabatan,

Yang Berusaha Encik Izwan Izhar Haris, Pengarah Unit Kebudayaan dan Rekreasi (UKR) UniMAP,

Pengetua-pengetua kolej kediaman ,

Rakan-rakan media,

Para peserta dan sekretariat FESTKOL 2018,

seterusnya anak-anak pelajar yang dikasihi sekalian,

KATA ALU-ALUAN

1. Alhamdulillah, bersyukur kita ke hadrat Allah Aza Wajalla kerana dengan limpah izin dan berkat dariNya, kita dapat bersama-sama di Majlis Penutup Festival Kebudayaan Antara Kolej Kediaman (FESTKOL 2018) pada malam yang ini.
2. Terlebih dulu, izinkan saya mengucapkan setinggi-tinggi penghargaan kepada barisan jawatankuasa pelaksana FESTKOL 2018, khususnya Unit Kebudayaan dan Rekreasi (UKR) UniMAP dan Majlis Penghuni Kolej Kediaman (MPKK) di atas inisiatif serta komitmen tidak berbelah bahagi dalam merealisasikan FESTKOL 2018 ini.

Hadirin hadirat sekalian,

SENI DAN KEBUDAYAAN

3. Apabila menyentuh soal kesenian dan kebudayaan, rata-rata berfikiran bahawa kesenian dan kebudayaan adalah cabang yang membawa kepada hiburan semata-mata. Pemikiran konvensional sebegini akan menyebabkan keinginan generasi muda untuk meneroka dengan lebih mendalam lagi budaya kesenian yang ditinggalkan oleh nenek moyang kita.
4. Ini secara tidak langsung menyebabkan masyarakat semakin melupakan apakah itu kesenian dan kebudayaan. Seperti yang kita sedia maklum, Malaysia mempunyai pelbagai cabang kesenian dan budaya yang luas dari pelbagai kaum. Seheinggakan, aspek kesenian

ini merupakan salah satu tonggak perpaduan masyarakat di negara kita.

5. Di UniMAP sendiri, menerusi penubuhan UKR aspek kebudayaan diberi perhatian, agar pelajar-pelajar UniMAP berbilang bangsa yang berbeza program pengajian dapat menggilap bakat yang dimiliki sekaligus dapat meningkatkan pembangunan modal insan di kalangan mereka.
6. Ini kerana menerusi penglibatan dalam aktiviti atau program sebegini memerlukan 'teamwork' bagi menjayakannya. Saya percaya pelajar UniMAP yang berbilang bangsa di setiap kolej kediaman dapat bertukar-tukar idea dan pendapat seterusnya akan saling bantu membantu dan hormat menghormati antara satu sama lain.
7. Saya juga difahamkan bahawa FESTKOL kali ini lebih menarik kerana turut mendapat penyertaan pelajar-pelajar antarabangsa juga menjadi satu keunikan dalam mewarnai konsep kebudayaan di UniMAP.
8. Jelaslah di sini bahawa melalui program ini merupakan platform terbaik untuk pelajar mendalami kebudayaan bangsa lain sekaligus memupuk semangat cintakan perpaduan dan nilai-nilai murni dalam kehidupan di Negara kita khususnya di UniMAP yang kita cintai.

Hadirin hadirat sekalian,

MAHASISWA BERBUDAYA TERAS KECEMERLANGAN UniMAP

9. Saya dimaklumkan hampir 50 peserta menyertai FESTKOL 2018 kali ini dan tiga kategori dipertandingkan iaitu Pertandingan Boria, Pertandingan Nasyid dan Pertandingan Dikir Barat.

10. Saya difahamkan, peserta yang meraih kejayaan dalam program ini akan menjadi barisan hadapan dalam bersaing di dalam Festival Kebudayaan Universiti-Universiti Malaysia (FestKUM) anjuran Majlis Kebudayaan Universiti-Universiti Malaysia (MAKUM) dan One World Culture yang akan diadakan pada akan datang.

11. Saya berharap di masa akan datang lebih banyak kategori dipertandingkan dengan memberi peluang kebudayaan kaum lain yang berada di UniMAP dapat diketengahkan bersama-sama kebudayaan sedia ada di pertandingan ini supaya semua lapisan pelajar diberi pendedahan mengenai budaya kaum-kaum lain di negara ini termasuk pelajar antarabangsa .

Hadirin sekalian,

PENUTUP

12. Sebelum mengakhiri ucapan, saya ingin mengucapkan setinggi-tinggi syabas dan tahniah kepada para pemenang. Kepada yang

kurang bernasib baik, anda masih mempunyai peluang di FESTKOL akan datang, InsyaAllah.

13. Tidak dilupakan juga saya sekali tahniah diucapkan atas kejayaan penganjuran festival ini sekaligus berjaya mencungkil bakat terpendam yang dimiliki pelajar UniMAP.

14. Adalah menjadi harapan semoga Festival Kebudayaan Antara Kolej Kediaman 2018 ini menjadi medan persaingan sihat melalui arena kebudayaan, kesenian dan kebangsaan. Justeru, festival ini diharap mampu menjadi platform terbaik ke arah memperkenalkan produk UniMAP ke peringkat yang lebih tinggi dan berdaya saing. InsyaAllah.

15. Dengan lafaz Bismillahirrahmanirrahim saya merasmikan
Penutupan FESTKOL 2018.

Sekian, Wabillahi Taufik Walhidayah, Wassalamualaikum Warahmatullahi Wabarakatuh.